



UGOVOR o javnoj nabavci telekomunikacijskih usluga fiksne i mobilne telefonije

KJKP „Sarajevogas“ d.o.o., Sarajevo, Ul. Trg Fadile Odžaković Žute 4, Sarajevo, BiH,
Koga zastupa: Direktor, Mr.sc. Nihada Glamoč, dipl.ing.maš. (u daljem tekstu: Naručilac),

i

«BH TELECOM d.d.», Franca Lehara 7, 71000 Sarajevo, BiH,
Koga zastupa: v.d. Generalni direktor Sedin Kahrman, (u daljem tekstu: Pružalac),

Član 1.

Na osnovu **Okvirnog Sporazuma** po provedenom otvorenom postupku nabavke broj TD-05-21/19, ugovorne strane zaključuju ugovor br.: **1 (jedan)** o nabavci telekomunikacijskih usluga fiksne i mobilne telefonije.

Član 2.

Predmet ovog Ugovora je izvršenje telekomunikacijskih usluga fiksne i mobilne telefonije, po provedenom otvorenom postupku nabavke broj: TD-05-21/19, LOT-1: telekomunikacijske usluge fiksne i mobilne telefonije. Pružalac usluga je dostavio ponudu prema specifikaciji Naručioca broj SP-OJ04-TD-05-21/19-01, koja je priložena ovom ugovoru i predstavlja njegov sastavni dio.

Član 3.

Ugovorna vrijednost telekomunikacijskih usluga iz člana 2. ovog ugovora bez PDV-a iznosi: **52.144,42 KM**, (slovima: **pedesetdvijehiljadestotinučetdesetčetiri42/100 KM**).

Član 4.

Obaveze pružaoca usluga je:

- da naručiocu usluga odmah nakon potpisa ugovora dostavi telefonski broj/brojeve za prijavu kvara,
- da imenuje kontakt osobu za svaku traženu uslugu (ime i prezime, tel./mob., e-mail) koja je odgovorna za koordinaciju sa naručiocem za vrijeme i mimo radnog vremena sa dostupnošću 24/7,
- da otkloni kvar u roku od **2 sata** od trenutka prijave kvara, naročito za usluge koje su vezane za rad dispečerskog i nadzornog centra (fiksna/mobilna telefonija, telemetrijska akvizicija podataka, sistem tehničke zaštite) za vrijeme radnog vremena, dok je rok za otklanjanje kvara mimo radnog vremena kao i u dane vikenda i praznika **6 sati** od trenutka prijave kvara,
- da obezbijedi prenos podataka, na svim lokacijama, fizičkom vezom u skladu sa pravilima struke, a sa osiguranim pristupom,
- da obezbijedi svu potrebnu opremu, materijal i usluge potrebne za pružanje usluga u skladu sa zahtjevima naručioca, vodeći računa da sva oprema i materijal ostaju u vlasništvu pružaoca usluga,
- da o svom trošku održava funkcionalnost sistema,
- da obezbijedi potpuno neometan prenos podataka 365/24, sa posebnim akcentom na akviziciju podataka telemetrijskog sistema i sistema tehničke zaštite,
- da izvrši blagovremenu najavu eventualnih radova na sistemu minimalno 24 sata ranije,
- da obezbijedi automatsko prebacivanje fiksnih brojeva dispečerskog i nadzornog centra na GSM mrežu u slučaju prekida rada fiksne telefonije,
- da obezbijedi neometano funkcionisanje GSM i GPRS servisa 365/24,
- da, ukoliko ne ispuni u cjelosti neku od ugovorenih usluga, nadoknadi štetu naručiocu usluga u skladu sa zakonom i propisima koji regulišu uredno izvršenje ugovorenih obaveza.



Član 5.

Pružalac usluga se obavezuje da će usluge iz čl.2. ovog ugovora izvršavati u kvaliteti svakodnevno u neprekidnom trajanju od 24 sata, kako u domaćem tako i u međunarodnom saobraćaju preko svoje infrastrukture i putem interkonekcija sa drugim međunarodnim operaterima.

Za svaki dan kašnjenja u izvršenju usluga naručilac će pružaocu usluga zaračunati penale u iznosu od 1%, s tim da iznos penala ne može preći 5% ukupne vrijednosti ugovora iz člana 3. ovog ugovora.

Član 6.

Pružalac će obračun izvršenih usluga vršiti po jediničnim cijenama iz priloga ovom Ugovoru. Naručilac će plaćanje izvršiti nakon isteka roka od **30 dana**, a po prijemu uredno ispostavljene poreski ispravne fakture za izvršene usluge na transakcijski račun pružaoca usluga naveden na fakturi.

Član 7.

Obaveza pružaoca usluga je da u roku od **petnaest (15) dana** računajući od dana potpisivanja ugovora, dostavi naručiocu garanciju za dobro izvršenje posla u iznosu od **10% od vrijednosti ugovora, odnosno u iznosu od 5.214,44 KM**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko pružalac usluga obavi sve ugovorene poslove kvalitetno i u roku, naručilac će u roku od petnaest (15) dana pružaocu usluga vratiti pomenutu garanciju.

Ukoliko pružalac usluga ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavim.

Član 8.

Naručilac i pružalac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 9.

Pružalac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja naručioca.

Član 10.

Ovaj ugovor se zaključuje na period do ispunjenja njegove svrhe, ali ne duže od (1) jedne godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ukoliko naručilac u ugovornom roku iz člana 6. ovog ugovora ne plati cijenu za izvršene usluge obavezan je pružaocu usluga isplatiti i zateznu kamatu u skladu sa zakonom i drugim propisima koji uređuju ovaj institut.

Član 12.

Ugovorne strane su saglasne da pružalac usluga neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.



Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.


Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Pružaoca:

v.d. Generalni direktor


Sedin Kahrman

Broj ugovora, 01-19-1335/19

13-06-2019

Za Naručioca:

Direktor Preduzeća


Mr.sc. Nihada Glamoč, dipl.ing.maš.

Izvršni direktor


Mr. Mehmed Mehović, dipl.oec.

Broj ugovora, 131/19

31-05-2019